

ԱԶԳԱՅԻՆ

ՊՏԱԿ ՀԱՆԳՈՒՑՆԱԼ ՄԱՐԻԱՄԱՅ
Յ. ՅՈՆԱՆԵԱՆՑ ԵՒ ՄԱՐԻԱՄԱՅՆ ՅՈՒՆԱՆԵԱՆՑ
ԴՊՐՈՅ ՕՐԻՈՐԴԱՅ.

Արժանայիշատակ Տ. Մարիամ Յով-
հաննիսեան Յօնանեանց կողմած լինե-
լով ի Տփլիս Հայոց Ս. Ստեփաննոսի
Կուսանաց Անապատին մօտ մի դպրոց
հիմնել Հայոց օրիորդաց դաստիարա-
կութեան եւ ուսումնառութեան հա-
մար, նորա ամուսին Վսեմափայլ եւ
Ազգասէր Պ. Յովհաննէս Յօնանեանց՝ —
որ բարեհաջակ եւ բաղձարդիւն Հայոց
մէջ նշանաւոր գիրք կ'ստեղծէ եւ ի ներ-
կայիս Հայաստանեայց սիրագործ բարե-
բարներէն մին կ'հանդիսանայ, — պէտք
եղած պատրաստութիւնքը հոգալով՝
այս ինքն դպրոցի շէնքը՝ զրամագլուխը՝
միանգամայն տնտեսական՝ կառավար-
չական եւ կրթական վարչութեանց կազ-
մակերպութիւնը անօրինելով, հետա-
գայ գրութեամբ Վեհ. Հայրապետի
օրհնութիւնը եւ կարեւոր տնօրէնու-
թիւնքը խնդրած էր, եւ նորին Սրբու-
թիւն յատուկ օրհնութեան Կոնգակով
հաստատելով յիշեալ կապը եւ դպրո-
ցի հիմնական ծրագիրը՝ միանգամայն
դպրոցական շինուածքին յանուն Ս.
Ստեփաննոսի անապատին կալուածա-
գրի տարոյ օրինական միջոցը ընդու-
նեց, եւ յառաջակայ Հոկտեմբեր ամսոյ
սկիզբներում կամօքն Աստուծոյ դպրո-
ցի պիտի բացուի:

Վեհ. Հայրապետի Կոնգակը շատ
գեղեցիկ պարզած լինելով հանդուցեալ
Տփլիսը եւ Պ. Յօնանեանցի կտակի եւ
նպատակին փեմութիւնը եւ ազգօգուտ
կարեւորութիւնը՝ Պ. Յօնանեանցի գը-
րութենէն զինի՝ նորին Սրբութեան
Կոնգակը եւս կ'հրատարակեմք:

Ահաւասիկ Պ. Յօնանեանցի գրու-
թիւն:

Վեհ. Պ. Ս. Մ. Ն. Ս. Ս. Ս. Ս. Ս.

«Հովուապետական ճգունք Զերոյին
Վեհափառութեան առ ի բարւոքել եւ
ի բաղձապատկել դպրոցս եկեղեցեաց
եւ վանորէից ի մտաւոր եւ կրօնա-
բայական կրթութիւն որդւոց Հայաս-
տանեայց եկեղեցւոյ՝ յորդոր եղեն ինձ
փութալ կատարել զվերջին կամս ա-
մուսնոյ իմոյ Մարիամայ Յովհաննիսեան
Յօնանեանց, որով աւանդեաց ինձ հան-
գուցեայն կանգնել ի յիշատակ իւր
դպրոց վասն օրիորդաց Լուսաւորչական
Հայոց, յատկապէս ի պէտս որոց եւ
գոտերց չքաւոր ծնողաց:

«Ամուսինն իմ գոլով քերականգ Քը-
րիստոսեայ եւ անձնանուէր դուստր ա-
ռաքելական հայրենի սուրբ եկեղեց-
ւոյ մերոյ՝ համակեալ էր ի ներքին հա-
մոգումն յայն թէ՛ քանզի կրօնն ան-
բաժանելի իմն եղանակաւ շաղկապեալ
է ընդ բարոյականին, ուստի որպէս առ
երջանկութիւն իւրաքանչիւր անհատի
ուրոյն ուրոյն, նոյնպէս եւ վասն բարո-
ւութեան հասարակաց հարկ անհրա-
ժեշտ է զի ընդ մտաւորականին համա-
զոյգ լիցի եւ կրօնականն զարգացումն:

«Հասու լեալ նորա՝ թէ լսկ ուսմամբն Աստուածային բանիցն չէ հնար մարդիկ ի կրօնական զգացմունսն, այլ պարտ է նպատակ այնմ՝ ուղղութիւն եւ ներքին կեանք կրթարանին: Երբ վասն ցանկայր հանգուցեալ ամուսինն իմ՝ զի գալրացն օրիորդական, որ ի յիշատակ իւր կառուցի ի Տփլիս առ կուսանոցաւն Հայոց, լիցի նա ընդ անմիջական բարոյական ազդեցութեամբն նուիրական սաշտօնէիցն Աստուծոյ եւ տաճարի նորին սրբոյ:

«Պարտաւոր զանձն իմ համարեալ առ ի կատարել զկամս հանգուցելոյն եւ համահաճ գտեալ մտաց եւ նպատակի բարենախանձ դիտաւորութեանց նորին՝ այժմէն իսկ նուիրեմ՝ յօգուտ կուսանոցանին Տփլիսեաց, որ յանուն Սրբոյն Ստեփաննոսի, զքարաշէն եռայարկ տունն իմ, որ առնթեր գտանի այնր վանուց ի Բեհրուղեան անուանեալ փողոցի՝ հանդերձ վերաբերեալ նմին գեանով՝ հետեւեալ պայմանօք:

«Ա. Զի ինոյն տան հիմնարկեացի դրաց օրիորդական, եւ ի յիշատակ ամուսնոյ իմոյ՝ անուանեալի «Մարիամեան Յօնանեանց դպրոց օրիորդաց»:

«Բ. Զի դպրոցն այն ենթարկեացի միշտ ընդ վարչութեամբ Հոգեւոր Իշխանութեան, եւ կառավարեցէ զայն խորհրդարանն բաղկացեալ ընդ նախագահութեամբ Ախակաւոր Արքեպիսկոպոսի տեղոյն՝ ի մայրապետէ նոյն կուսանոցի եւ ի չորից անդամոց ընտրելոցի հայազգի բնակչաց Տփլիսայ եւ հաստատելոց ի Մայրագոյն Պատրիարք Կաթողիկոսէ ամենայն Հայոց, ընդ որս եւ

ի տեսչէ դպրոցի նորուն: Խորհրդարանն իսկզբան իւրաքանչիւր ամաց ընտրեցէ զմի յանդամոց իւրոց օգնական նախագահի, զի մի առ բացակայութեամբ նորուն ընդմիջեացի կարգ գործառնութեան խորհրդարանին: Ամենայն գործք խորհրդարանին վճռեցին ըստ բազմութեան ձայնիցն: Անդամոց ուրոյն ուրոյն ոչ է սեպհականեալ քմահաճ իշխանութիւն:

«Գ. Զի յիշեալ չորեքին անդամքն խորհրդարանին ի կենդանութեան իմուժ յինէն նշանակեցին, իսկ յետ մահուան իմոյ ընտրեցին յերես ամս ի ձեռն պատգամաւորաց ընտրելոց առ այս՝ յիւրաքանչիւր նուագ ըստ առաջագոյն անօրէնութեան վիճակաւոր Արքեպիսկոպոսին՝ ի ծխական Ժողովրդենէ մայր եկեղեցւոյն Վանուց եւ եկեղեցեացն Մուղլեոյ եւ Բեթղեհեմի չորից անձանց իւրաքանչիւր ծխոց: Զտեսուչն ընտրեցէ խորհրդարանն ի Հայոսերոց, որ ունիցի համապատշաճ կրթութիւն, եւ հաստատեցէ զնա Պատրիարք Կաթողիկոսն: Նմա ենթարկի տեսչութիւն տնտնական մասին՝ ընդ անմիջական հսկողութեամբ խորհրդարանին:

«Դ. Գլխաւոր պարտաւորեալ առարկայից աւանդելոց ի դպրոցին վերաբերին կրօնական ուսմունք եւ պատմութիւն Հայաստանեայց եկեղեցւոյ եւ լեզուք Հայոց եւ Ռուսաց: Ըստ չափու ձեռնհասութեան դպրոցին ընդարձակեցի եւ սահման կրթական ուսմանց եւ արուեստից: Առարկայքն աւանդեցին ի Հայ լեզու: Ընդ ձրիաւարժ սանուհեաց մարիին եւ թշակաւորք

մուտ ի դպրոցն գտանել՝ համաձայն կանոնաց որոշելոց առ այս ի խորհրդարանէն:

«Ե. Բաց ի վերոյիշեալ տանէն նուիրեմ ես մշտնջենապէս ի տարին զերեք հազար բուլիս: այնու պայմանաւ՝ զի ձըրիավարժ աշակերտուհիք դպրոցին՝ ի հաշիւ գումարի այսր պահպանեալքն՝ անուանեսցին «Յօնանեան Սանուհիք»:

«Զ. Զի երիցագոյնն յազգատոհմի իմում՝ ըստ արական սերնդոց վայելեացէ՝ զկոչումն հոգաբարձուի դպրոցին, եւ ի լինելն նորին ի Տփլիս՝ կարասցէ անգամակցիլ խորհրդարանին՝ իրաւամբ ձայնի: Պարտաւորութիւն հոգաբարձուին լիցի հոգալ զբարօրութենէ դպրոցին:

«Խոնարհաբար ենթարկեմ զայս ամենայն ի դիտողութիւն Ձերում՝ Վեհափառութեան, եւ ընդ նմին՝ ունելով ի նկատի թէ՛ նուիրեալն յինէն տուն ընդ գեանոյն ունի զարժողութիւն աւելի քան զլաթսուն հազար բուլիեաց՝ համարձակիմ խնդրել, զի համաձայն 1011-դ յօդուածոյ Ա մասին ԺԱ-դ հատորոյ օրինաց (տպագրելոյ ի 1857 ամի) բարեհաճեսցիք միջնորդել զբարձրագոյն Վայսերական հաճութիւն յընդունել կուսաստանին՝ որ յանուն սրբոյն Ստեփաննոսի, զնուէրն իմ ընդ վերոյգրեալ պայմանօք:

Ապաստան յարժանընկալ աղօթս Ձերոյին Վեհափառութեան

Պատիւ անձին համարիմ մնալ
Աստուածաբաշ Տեառնդ

Մ. Դ. Խաչատուրի Ժառանգ

ՅՈՎ. ԼԱՆՆԷՍ ՅՈՆԱՆԵԱՆԻ

Ի 13 Յունիս 1876 - Մ.

Ահաւասիկ Վեհ. Հայրապետի Կոնդակը եւս:

«Վսեմափայլ եւ Ազգասէր Իշխանի Յովհաննու Յովնանեանց՝ բարեպաշտ եւ հարազատ որդւոյ Մայր Աթոռոյս Սրբոյ Էջմիածնի եւ յաւէտ սիրելոյ մերում նուիրեմք զողջոյն Քրիստոսաւանդ եւ զօրհնութիւն Հայրապետական, մաղթելով ի Տեառնէ մշտնջենաւորել ըզգութ եւ զողորմութիւն իւր ի վերայ Ձեր եւ ի վերայ բարեհամբաւ տանդ, եւ աղաչեմք զերեսս Բարձրելոյն Աստուծոյ՝ հաստատուն՝ անշարժ եւ անփորձ պահել զհաւատ Ձեր որ ի Քրիստոս Յիսուս՝ ընդ հովանեաւ ամենամաքուր եւ առաքելական Եկեղեցւոյ Հայաստանեայցս եւ ընդ միութեամբ ամբողջութեան սիրեցելոյ Ազգիս, աճեցուցանելով եւ ճոխացուցանելով զՁեզ եւ զհամայն ընտանիս Ձեր ցորչափ երեւին աստեղք յերկինս եւ արեւ ի կամարն եթերեան, եւ ծաղկեցուցէ զՁեզ եւ զհամօրէն Յովնանեան գերգաստունն բազմաբեղուն եւ բազմազգի պտղովք առաքինութեանց եւ բարեմասնութեանց ըստ հոգւոյ եւ ըստ մարմնոյ: Ամէն:

«Շնորհ ընդ Ձեզ եւ ընդ ամենայն ընտանիսդ, սէր եւ խաղաղութիւն յԱստուծոյ Հօրէ եւ ի Տեառնէ մերմէ Յիսուսէ Քրիստոսէ եւ ի սրբոյ Հոգւոյն ծաւալեսցի ի հոգիս եւ ի միտս Ձեր, եւ պահեսցէ զՁեզ ի հաւատս ամբիծս եւ ի ջերմեռանդն Աստուածապաշտութեան, առաւելեալ յամենայն գործս բարիս առ ի պսակել զամենեւեանդ երկնաւոր եւ երկրաւոր բարութեամբ: Ամէն:

«Եւ ընդ Աստուածապարգեւ ողջունի եւ օրհնութեանս ծանուցանեմք սիրելի որդւոյդ մերում, զի գոհութեամբ բազմաւ հասու եղաք Աստուածահաճոյ մրտաց եւ լուսաւոր խորհրդոյ Վսեմափայլ Իշխանիդ համաձայն առաքինագործ կտակի արժանայիշատակ ամուսնոյ Ձերոյ Մարիամու հանգուցելոյ ի Տէր, որով առ սէր բարեխնամ դաստիարակութեան հայազգի օրիորդաց քաղաքին Տփլիսաց կամակար մտօք հաճեալ է Ձեր նուիրել յանուն եւ յօգուտ կուսանոցի վանուց Ս. Ստեփաննոսի գտուն Ձեր սեպհական այնու պայմանաւ, զի ի յիշատակ անուան եւ ի կատարումն կտակի հանգուցեալ Տիկնոջ Ձերոյ Մարիամու հաստատեցի ի նմա դպրոց օրիորդական, որ եւ յաւիտեան ժամանակաւ կառավարեսցի յատկացելովն առ ի Ձէնջ երեք հազար բուլքեաւ արծաթոյ, զոր յօժարեալ է Ձեր ամի ամի հատուցանել յանխափան կառավարութիւն նորին՝ որպէս գրէք առ մեզ եւ ուխտէք ի գրութեան ձերում յուղղեալն առ մեզ ի 15-էն Յուլիսի տարւոյս:

«Ապաքէն չեն ինչ պէտք յանդիման առնելոյ Վսեմափայլ Իշխանիդ զբազմապատիկ ուսումնական եւ զբարոյական օգուտս, որք կարեն անշուշտ ագբերանալ յայդպիսւոյ ազգաշահ հաստատութենէ, իբր զի Ձեզէն քաջ ի միտ առեալ զբազմաբեղուն արգասիս սիրայօժար նուիրաբերութեանդ ի սեղան ազգային դաստիարակութեան, այդքանեաւ վառեալ գտանիք իրաւացի փութոյ պնդութեամբ առ վաղ ընդ փոյթ իրագործութիւն խորհրդոյն՝ զոր վաղ

ուրեմն քաջ կշռեալ գոլով եւ մեր ըզկարեւորութիւն եւ զօգուտս հաստատութեան բարեկարգ դպրոցի իրիք առ ընթեր կուսանոցին յիշելոյ, զորմէ կախեալ գիտեմք զանխափան պայծառութիւն նորին, զայս միայն խնդրէք ի Տեառնէ, զի հանգոյն Ձեզ յարուցեալ յԱզգի մերում այր խոհական եւ հեռատես ըստ արժանւոյն, պսակել կարացէ զվաղեմին տենչ ցանկութեան մերոյ, զոր Ձեզ վիճակեալ էր ի Տեառնէ սոյնօրինակ առատաձեռնութեամբ ընուլ եւ կատարել յօգուտ ազգի եւ եկեղեցւոյ Հայաստանեայցս:

«Յայն սակս աւասիկ զուարթամիտ ոգւով եւ լիայոյս վստահութեամբ փութութեամբ յայտնել զհաճութիւն հաւանութեան մերոյ ընդ պայմանս հիմնական սկզբանց Դպրոցին արձանագրելոյ ի Ձերումդ նախագծի, որոյ ի հաստատութիւն բերիմք սովին օրհնաձիր Կոնդակաւ, զի

«Ա. Ի նոյն տան, զոր նուիրէք յանուն եւ ի սեփհականութիւն կուսանաց Հայոց Անապատին Ս. Ստեփաննոսի որ ի Տփլիս, հաստատեցի Դպրոց Հայկազն օրիորդաց՝ եւ ի յիշատակ ամուսնոյ Ձերոյ անուանեցի «Մարիամեան Յովնանց Դպրոց օրիորդաց»:

«Բ. Դպրոցն այն ենթարկեսցի միշտ ընդ վարչութեամբ Հոգեւոր Իշխանութեան Հայոց, եւ կառավարեսցէ զայն խորհրդարանն բաղկացեալ ընդ նախագահութեամբ Վիճակաւոր Արքեպիսկոպոսի տեղւոյն՝ ի Մայրապետէ նոյն Կուսանոցի եւ ի չորից անդամոց ընտրելոց առաւելութեամբ քուէից ի հայազգի բնակ-

չաց Տփլիսիայ եւ Հասաաաաեւոյ ի Թայ-
րագոյն Պատրիարք — Կաթոլիկոսէ ա-
մենայն Հայոց, ընդ որս եւ ի տեսչէ նո-
րուն: Խորհրդարանն իսկզբան իւրա-
քանչիւր ամի ընտրեսցէ զմին յաճա-
մաց իւրոց յօգնականութիւն նախագա-
հի: զի մի առ քաղաքացութեամբ նորին
ընդմիջեսցի կարգ գործառնութեանց
խորհրդարանին: Ամենայն գործք խոր-
հրդարանին վճռեսցին ըստ բազմու-
թեան ձայնելոյն: Անգամոց ուրոյն ուրոյն
ոչ է տեղ հականեալ քմահաճ իշխանու-
թիւն:

« Գ. Յիշեալ չորեքին անգամքն խոր-
հրդարանին ի կենդանութեան Ձե-
րում ընտրեսցին եւ նշանակեսցին ի
Ձէնջ, իսկ յետ մահուան Ձերոյ ընտրես-
ցին եւ ամենայ միջոցաւ ի ձեռն պատգա-
մաւորաց ընտրելոց ըստ այսմ գործոյ
յիւրաքանչիւր նուազի Համաձայն կան-
խաղոյն տնօրէնութեան վիճակաւոր
Արքեպիսկոպոսին՝ ի ծխական Ժողովր-
դոց առաջ եկեղեցւոյն վանուց եւ եկե-
ղեցեացն: Մոլնոյ եւ Բեթղէհէմի ի չո-
րից անձանց նշանակելոց յիւրաքան-
չիւր եկեղեցւոյ ծխականացն: Զտեսուցն
ընտրեսցէ խորհրդարանն ի Հայորերոյ՝
որ ունիցի Համապատշաճ կրթութիւն,
եւ Հասաաաեւոցէ զնա Պատրիարք — Կա-
թոլիկոսն ամենայն Հայոց: Տեսչին են-
թարկի վարչութիւն ուսումնական մա-
սին: Դպրոցի ընդ անընդմիջական հսկո-
ղութեամբ խորհրդարանին:

« Դ. Գլխաւոր պարտաւորեալ սուար-
կայիցն աւանդելոց ի դպրոցին վերաբե-
րին կրօնական ուսմունք եւ պատմու-
թիւն: Հայաստանեայց եկեղեցւոյ՝ եւ ի

զուր Հայոց եւ Ռուսաց: Ըստ չափու ձե-
ռնահասութեան: Դպրոցին ընդարձա-
կեսցի եւ սահման հանրակրթական ուս-
մանց եւ արուեստից: Առարկայքն ա-
ւանդեսցին անշուշտ ի Հայ լեզու: Ընդ
ձրիաւարժ սանուհեաց մարմին եւ թո-
շակաւորք մուտ ի դպրոցն գտանել հա-
մաձայն կանոնաց որոշելոց ի խորհր-
դարանէն ըստ այսմ պարբերութեան:

« Ե. Բաց ի տանէն նուիրելոյ ի Ձէնջ՝
շնորհելով մշտնջենաւորապէս ամի ամի
զերեք հազար թուրքիս արծաթոյ, եւ ի
հաշիւ այսոր գումարի պահպանեալ ձը-
րիաւարժ աշակերտուհիք դպրոցին ա-
նուանեսցին «Յօնանեան Սանդիկ»:

« Զ. Երկրագոյնն յազգատուհմէ Ձերմէ
ըստ արական սերնդոց՝ վայելեսցէ զհո-
ւան հոգաւորացն՝ «Կալոցին» եւ ի լինե-
լն նորին ի Տփլիս՝ կարասցէ անդա-
մակցել խորհրդարանին իրաւամբ ձայ-
նի: Պարտաւորութիւն հոգաբարձութեան
լիցի հոգալ զբարօրութենէ դպրոցին
առանց ունելոյ երբէք իրաւունս յեղա-
շրջելոյ դպրոցն յայլ իմն գրութիւն
օտար:

« Հաւաստի եմք՝ զի «Մարիամն» Յօն-
անեան Դպրոցն՝ օրիորդական կանգ-
նեալ արձան անմոռաց յիշատակի եւ
շնորհակալեաց ի սիրտս Հայորերոյն ի
ձայն բերանալիր օրհնութեան երախ-
տաւորելոցն առ ի Ձէնջ որք եւ աղքա-
տիկ օրիորդաց՝ զհարձրելոյն Աստուծոյ
ի վերայ Ձեր աղբերացուցէ զանսպառ-
խնամն շնորհաց ատու եւ ի հանդերձե-
լումն: Իսկ մեր եռանդեամբ հոգւոյ ա-
ռանձինն քաշիւելով Ձեզ զՀայրապետա-
կան առաւօտածիր օրհնութիւն մեր մաղ-

Թեմք ի Տեառնէ զլիուլին առատաձեռնել Ձեզ զփոխարինութիւն, զի քաջողջիկ կենօք ընդ երկար վայելեսցիք զպաշտօն խնամակալութեան Գալոցին ի մըխիթարութիւն սրտի Ձերոյ, եւ զհոգիս բարեպաշտուհի կողակցին Ձերոյ եւ որդւոյդ սիրելւոյ եւ համայն արեւակից ննջելոց Ձերոց ի Քրիստոս՝ արժանի արասցէ անպատում փառաց երկնից սուրբ Արքայութեան:

« Ողջ լերսէք եւ օրհնեալք յԱստուծոյ եւ յամենայն սրբոց նորա եւ ի մէնջ: Ամէն: »

« Գրեցաւ Կանոնս չորսուորսն յաթի Տեառն հաշտեցորդի ունեցեալութեան եւ ինքնաշտեցորդի և ինքնաշտեցորդի և չորս ՈՅԻԶ, ի վերահանգորդի և չորս Կանոնս Գեղարքայի, ի չորսուորսն Արա չորսուորսն ի Ս. Էջմիածին ի վերահանգորդի: Թ. 364: »

ԳԱՎՐԻԺԷՆ ՆՊԱՍՏ.

Յանցելումս՝ պատերազմական անցից պատճառաւ Հին—Պանեղիտէն եւ մերձակայ մի քանի գիւղերէն ի Պարսկաստան Սալմաստ գաւառի Մակուայ կողմերը ելելու հարկերի չափ Հայ գերդաստունք գաղթած էին, որոց թշուառ վիճակին թեթեւութիւն եւ միխիթարութիւն տալոյ գեղեցիկ եռանդեամբ եւ բարեգործութեամբ՝ Դավրիժաբնակ մերազնեայք եւ տեղական անգղիական հիւպատոսի ձեռամբ Եւրօպացի գաղթականներէն նշանաւոր անձինք՝ Գեր. Առաջնորդ Անգրէաս Արքեպիսկոպոսի հրաւերը եւ յորդորը սիրալիր ընդունելու են, եւ մի եօթնեկի մէջ 3626 Պարս.

ղան (իբր 1084 ռբ. 15 կպ.) նըպաստ հանգանակութեամբ է, զորս Գեր. Առաջնորդն փութացուցեր է կարօտ Հայոց մասնատրելու ըստ արժանւոյն:

Յաջորդ թերթով յիշեալ Արքեպիսկոպոսի յայտարարութիւնը եւ նուիրատուաց ցուցակը հրատարակել արժանի համարիմք:

ԿՕԼՈՍԻ ԽՄԲԱԳՐՈՒԹԵԱՆ ԿՈՂՄԱՆԷ.

Սուրբ (Ձայն) Ռուսերէն պատուական լրագրի խմբագրութիւնն յանուն եւ ի նպաստ գաղթեալ Բագրեւանդցի Հայոց Եօթնասուն և չորս ռբ. 50 կոպ. նուէր հանգանակեալ յղեց առ Վեհ. Հայրապետ Ազգիս, որոյ համար յատուկ շնորհակալութիւն կ'յայտենեմք յիշեալ լրագրի խմբագրութեան գովելով նորին գեղեցիկ՝ բարի զգացումը եւ առաքինասէր նպատակը:

Պ. ՍՏԵՓԱՆՆՈՍ ՎԱՐԴԱՆԵԱՆ.

Ախալքալաքցի Մեծարդոյ Պ. Ստեփաննոս Վարդանեան ի նպաստ ձեմարանի Մայր Աթոռոյ սրբոյ Էջմիածնի եւ Բագրեւանդցի գաղթեալ Հայոց հարկերսն (ամենը 200) ռբ. նուիրեց, որոյ համար յատուկ շնորհակալութիւն կ'յայտենեմք եւ կ'հրատարակեմք ի տեղեկութիւն մերազնեից՝ գովելով միանգամայն յիշեալ բարեպաշտ անձի ջերմեռանդութիւնը: